



# RESOLUSI

## MAWQIF

MESYUARAT MAWQIF BIL. 01

4 APRIL 2026

---



**HUBUNGI KAMI:**

Admin Sistem

[Info@multaqaalmaarif.com](mailto:Info@multaqaalmaarif.com)

# RESOLUSI

## MAWQIF

**MESYUARAT MAWQIF BIL. 01**

4 APRIL 2026

**BARISAN FELO SISTEM**

MULTAQA AL-MA'ARIF POINT

## **BUTIRAN**

### **MESYUARAT MAWQIF BIL. 01**

**Hari** : Sabtu

**Tarikh** : 4 April 2026

**Waktu** : 21:30 – 23:02

**Platform** : Dalam talian, Streamyard

# ISI KANDUNGAN

Isi Kandungan	3
Kata Alu-Aluan Ketua Eksekutif Felo	5
Petunjuk Mawqif:	7
Agenda 1:	
ISU MEMIJAK MUSHAF AL-QURAN AL-KARIM	8
Agenda 2:	
PENDIRIAN UMAT ISLAM: IRAN VS ISRAEL/AMERIKA SYARIKAT	10
Agenda 3:	
KENYATAAN MEMASTIKAN (JAZM) SESEORANG MATI SYAHID	14
Agenda 4:	
HUKUM PELAKSANAAN SOLAT JUMAAT PADA HARI RAYA	17
Agenda 5:	
KAEDAH PENETAPAN BULAN HIJRI BAHARU	19
Agenda 6:	
MENGGABUNGKAN PUASA 6 SYAWAL DENGAN PUASA QADA'	20
Agenda 7:	
HUKUM BERMAIN MERCUN (KONTEKS: UMUM/HARI RAYA)	22
Agenda 8:	
SOALAN: ZAKAT FITRAH TAK SAH JIKA MAKAN BASMATHI	26
Agenda 9:	
HUKUM BAYAR ZAKAT BUAT PIHAK BUKAN TANGGUNGAN	27
Agenda 10:	
DERMA DARAH KETIKA BERPUASA, BATAL ATAU TIDAK	28
Agenda 11:	
STATUS HADITH TANDA-TANDA LAYLATUL QADAR	30
Agenda 12:	
ALTERNATIF HADITH DA'IF FADILAT BERSEDEKAH	31

Agenda 13:

DALIL SUAMI WAJIB MEMBERI PAKAIAN BAHARU SETIAP 6 BULAN 32

Agenda 14:

MUSAFIR NIAT JAMA' TA'KHIR & TIBA DI LOKASI LEBIH AWAL 34

Rujukan 35

## KATA ALU-ALUAN KETUA EKSEKUTIF FELO SISTEM

Ketua Eksekutif Felo

BARISAN FELO SISTEM MULTAQQA AL-MA'ARIF



**AL-USTAZ ABU MUSLIM  
SYIMIR ASYRAAF BIN EDDIE HALIM**  
FELO UTAMA  
FELO KANAN (HADITH/AKIDAH)  
CALON PHD HADITH, UNIVERSITI SAINS MALAYSIA

Segala puji bagi Allah 'azza wa Jalla, Pencipta sekalian Alam. Selawat dan salam ke atas junjungan Besar Nabi Muhammad ﷺ, ahli keluarga Baginda ﷺ, para Sahabat dan orang yang mengikuti jejak langkah mereka dengan baik.

Dengan penuh rasa syukur ke hadrat Ilahi, saya merakamkan penghargaan atas penerbitan Resolusi Mawqif Mesyuarat Mawqif Bil. 01, yang menjadi manifestasi kesungguhan dalam meneliti, membahaskan dan merumuskan pendirian terhadap isu-isu semasa berteraskan disiplin ilmu yang sahih dan pendekatan yang berautoriti.

Resolusi ini bukan sekadar catatan perbincangan, bahkan merupakan natijah daripada proses ijtihad jama'i yang mempertimbangkan dalil-dalil syarak, realiti semasa serta maqasid yang seimbang. Ia diharapkan dapat menjadi panduan yang jelas kepada masyarakat serta rujukan yang diyakini dalam menghadapi pelbagai persoalan yang timbul.

Saya juga ingin merakamkan setinggi-tinggi penghargaan kepada seluruh ahli jawatankuasa, para penyelidik, serta semua pihak yang telah menyumbang idea, tenaga dan kepakaran dalam menjayakan mesyuarat ini. Komitmen dan kesungguhan yang ditunjukkan mencerminkan amanah besar dalam memelihara ketepatan ilmu dan kejelasan pendirian.

Akhir kata, semoga resolusi yang dihasilkan ini diberkati oleh Allah ‘azza wa Jalla, diterima sebagai amal soleh, serta memberi manfaat yang luas kepada umat. Mudah-mudahan segala usaha ini menjadi sebahagian daripada sumbangan kecil dalam memperkukuhkan kefahaman agama dan membimbing masyarakat ke arah kebenaran.

Sekian, Jazākumullāh Khayrā.

  
SYIMIR ASYRAAF BIN EDDIE HALIM

## **PETUNJUK MAWQIF**

**MM** : Mesyuarat Mawqif

**01** : Bil. 01

**01** : Mawqif ke-01

**04** : Tarikh MM

**04** : Bulan MM

**26** : Tahun MM

**KEPUTUSAN:**

Barisan Felo memutuskan bahawa perbuatan ini adalah perbuatan kufur yang menyebabkan seseorang terkeluar daripada Islam apabila dilakukan dengan sengaja dan bertujuan menghina agama.

**Nombor Siri Mawqif:**

MM/01/01 (04/04/26)

**Penjelasan:**

Mesyuarat Mawqif Bil. 01 yang bersidang pada 4 April 2026 telah membincangkan isu ini. Barisan Felo sistem telah memutuskan bahawa tindakan ini dikategorikan sebagai satu penghinaan dan tindakan memperolok-olokkan agama Islam. Jika pelakunya seorang muslim, baligh, berakal dan tidak dipaksa, keislamannya boleh terbatal. Isu ini tidak ada khilaf dalam kalangan ahli ilmu. Antara nas-nas yang berkaitan dalam hal ini adalah seperti berikut:

فقال: قُلْ أِبَاللّٰهِ وَايَاتِهِ وَّرَسُولِهِ كُنْتُمْ تَسْتَهْزِئُونَ\* لَا تَعْتَذِرُوا قَدْ كَفَرْتُمْ بَعْدَ إِيمَانِكُمْ

Maksud: “*Katakanlah (wahai Muhammad): Adakah dengan Allah, ayat-ayat-Nya dan Rasul-Nya kamu memperolok-olokkan? Janganlah kamu meminta maaf; sesungguhnya kamu telah menjadi kafir setelah kamu beriman.*”

(QS Al-Tawbah: 66)

Hal ini juga sebagaimana yang difatwakan oleh Kementerian Wakaf dan Hal Ehwal Islam Kuwait dalam *al-Mawsu‘ah al-Fiqhiyyah al-Kuwaytiyyah*:

لَا خِلَافَ بَيْنَ الْفُقَهَاءِ فِي أَنَّ الْمُسْلِمَ إِذَا وَطِئَ الْمُضْحَفَ عَلَى قَصْدِ الْإِهَانَةِ وَالِاسْتِخْفَافِ فَإِنَّهُ يَصِيرُ بِذَلِكَ مُرْتَدًّا. أَمَّا إِذَا فَعَلَ ذَلِكَ مُكْرَهًا أَوْ مُضْطَرًّا فَلَا يَكْفُرُ

Maksud: “*Tidak ada khilaf dalam kalangan ahli fiqh bahawa seorang muslim, apabila memijak mushaf dengan tujuan menghina dan meremehkan, maka dengan perbuatan itu dia menjadi murtad. Adapun jika dia melakukan perbuatan tersebut dalam keadaan dipaksa atau terpaksa, maka dia tidak menjadi kafir.*”

Adapun sekiranya muslim tersebut dipaksa atau tidak berakal ketika melakukannya, maka hal ini tidak memberi kesan terhadap keislamannya. Hal ini sebagai dalam hadith baginda ﷺ:

إن الله تجاوز عن أمتي الخطأ والنسيان وما استكرهوا عليه

Maksud: “*Sesungguhnya Allah telah memaafkan bagi umatku (kesalahan yang berlaku kerana) tersilap, terlupa dan apa yang mereka dipaksa melakukannya.*”

(HR. Ibn Hibbān dalam *al-Ihsān fī Taqrīb* no. 7219)

Hadith ini dinilai mempunyai ‘illah oleh Aḥmad dan Ibn Abī Ḥātim al-Rāzī. Walau bagaimanapun, ahli ilmu sejak dahulu dan sekarang telah menerima hadith ini dengan baik dari aspek amalan dan istidlal.

### **Cadangan:**

Barisan Felo berpandangan bahawa program kesedaran menghormati agama-agama lain wajar dilaksanakan secara berperingkat, dari peringkat sekolah hingga ke masyarakat umum Malaysia.

Adapun khusus kepada umat Islam, wajib bagi kita melazimi pembahasan *al-walā’ wa al-barā’* dalam ilmu akidah. Kekuatan umat Islam itu diukur bagaimana interaksi mereka dengan orang bukan Islam.

Barisan Felo juga menegaskan bahawa pihak berautoriti hendaklah menggubal dan menguatkuasakan undang-undang yang setimpal terhadap perbuatan yang menyentuh sensitiviti 3R, dengan pelaksanaan yang telus dan adil.

